



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1143. Usque Ad Annum 1176

**Fleury, Claude**

**August. Vind. [u.a.], 1762**

**VD18 90118014**

§. 46. Bellum civile in Anglia.

---

[urn:nbn:de:hbz:466:1-66377](https://nbn-resolving.org/urn:nbn:de:hbz:466:1-66377)

Sæcul. XII.  
A C. 1173.

§. XLVI.

*Bellum civile in Anglia.*

*Gervas.*  
*ibid.*

*ep. Petr.*  
*Bles. ep. 136.*

Quippe ante bimestre in Quadragesima Rex juvenis Henricus III. favente Rege Franciæ, duobus fratribus Richardo & Geofrido in consiliorum societatem adscitis, in Regem patrem defectionem moverat. Regina quoque Alienora eorum mater, Guilielmus Rex Scotiæ, Philippus Comes Flandriæ, ejusque Frater Matthæus Comes Bononiæ, & Theobaldus Comes Campaniæ, Henrici juvenis partibus accesserant. Bellum hoc civile filiorum contra parentem pœnam esse a Deo, S. Thomæ Cantuariensis eadem ulciscente, immissam crediderunt, ne ante autumnum anni sequentis concordia revocari potuit. Henricus vero secundus, a filiis suis laceffitus, ad Alexandrum Papam dedit Epistolam, in qua dicit: *Supplex genibus tuis accido, consilium petens. Regnum Angliæ sub tua jurisdictione existit, & quoad Jus Feudale tibi soli subjicior. Intelligat nunc Anglia, quid Summus Pontifex possit, & quia armis ferroque non utitur, patrimonium S. Petri gladio spirituali defendat.* Talia loquentem Petrus Blesensis inducit hunc Principem, cujus jussu & nomine Epistolam scripsit.

§. XLVII.